

HOGEI MILA LAGUNEK OMENDU ZUTEN TELMO ZARRAONAINDIA IGANDEAN SAN MAMESEN

Athletic Logroñesen aurka gaur


■ Logroñesen aurka jokatu du gaur Athleticen Las Gaunasen. Luis Fernandezek ez du azaldu zein jokalaririk erabiliko dituen gaurko norgehiagokan, baina litekeena da Zarraren omenaldian aritu ziren jokalariek atsedean hartzea gaur.

Ramon Basaldua / Bilbo

Bi partiduko jokatu ditu Athleticen aste honetan, hamabi egun barru Liga txapelketari hasiera eman aurretik. Charleroi, Gernika, Oviedo, Gremio do Porto Alegre, Alaves eta Ligako talde baten aurka jokatu ondoren, Logroñes Bigarren Mailako taldea izango du aurkari gaur Athleticen, Las Gaunasek futbol zelaian, gaueko 21:00etan.

Luis Fernandezek ez du adierazi zein jokalaririk erabiliko dituen gaurko partiduan. Normalean norgehiagoka baten atarian entrenatzaile gehienek, ia guztiek, prentsaurrekoa eskaintzen badute ere, Fernandezek ez du ezer aipatu Logroñesen aurkako partiduari buruz. Antza, Athleticen entrenatzaileak ez du berba askorik egingo denboraldian eta berak erabakiko du noiz egin adierazpenak. Telmo Zarraonaindiari eginiko omenaldiaren amaieran ere alde egin zuen prentsa aretotik hiruzpalau adierazpen egin ondoren eta galderarik erantzun barik. Gainera, atzo goizean Athleticen bidalitako oharrean arabera, Luis Fernandezek ez du adierazpenik egingo aste guztian. Ez da ahaztu behar kazetariok gaila Karanka Real Madridera joan izanaren errudun nagusiak.

Gauzak horrela, ez dakigu zein gizonen osatuko duten Athleticen hasierako hamaikakoa Logroñesen aurkako norgehiagokan. Nolanahi ere, litekeena da Zarraren omenaldian parte hartu ez zuten gizonak aritzea Victor Muñozek zuzentzen duen taldearen aurka. Besteak beste, Valencia, Tabuenka, Jose Mari, Lacruz, Nagore, Huguin eta



Telmo Zarra, igandean San Mamesen egin zitzaion omenaldian.

L.GARCIA / EFE

Joseba Arregi hasieratik ariko dira gaur Las Gaunasen.

Hogeita mila lagun inguru bildu ziren igande iluntzean San Mamesen, Telmo Zarraonaindia, Athleticen izan duen goleatzaile handiena, omentzeko antolatutako partiduan. Luis Fernandez eta Javier Clementek zuzenduriko taldeek gogo handiz ekin zioten norgehiagokari eta ikuskitzen ederra eskaini zieten harmailetan bildutako zaleei. Aipatzekoa da Luis Fernandezek aldatu egin zuela denboraldi-urreko gainontzeko partiduetan erabili zuen joko sistema. 3-3-1 eskema erabili zuen frantzia-

rrak Ligako jokalaririk onetsuenek osatutako taldearen aurka. Larraiz, Carlos Garcia eta Larrazabal aritu ziren atzealdean, Josu Urrutia, Roberto Rios eta Bittor Alkiza erdialdean, Joseba Etxeberria, Javi Gonzalez eta Mario Bermejo haien aurretik eta Jose Angel Ziganda aurrealdean. Joseba Etxeberriak egin zuen zuri-gorrien gol bakarra, 58. minutuan ondo baino hobeto aprobetxatu baitzuen Bittor Alkizak emandako pase bikaina. Elgoibarkoak Zarrari eskaini zion gola, eta Mungiako goleatzaileak biziki eskertu zuen oparia. Norgehiagoka amaitzeko

hemeretzi minutu falta zirela etorri zen Javier Clementek zuzenduriko taldearen gola. Alfonsok jokaldi ederra egin eta Oscar Garciak ez zuen galdu Valencian atea zultzeko aukera.

Athleticeko jokalariek entrenamendu saioa izango dute gaur Lezaman goizeko 10:00etan, atzo atsedean eguna izan ondoren. Gaur iluntzean Logroñesen aurka jokatu ondoren, eguerdiko 12:00etan entrenatuko dira bihar eta etzi, ostiralean Betisen aurka jokatu duten partidua prestatzeko. Haren ostean, bi eguneko atsedena izango dute zuri-gorriek. X

Sarriegiren lesioa larriagoa da

■ Atzo egin zioten ebakuntza donostiarrari, eta kanpoko meniskoa ere hautsita duela baieztatu zen

Pello Aiestaran / Donostia

IKER SARRIEGI jokalaririk donostiarrak izan zen albiste iturri nagusia atzo Realean. Atxalanda-baso eta Escobar medikuek ebakuntza egin zioten ezker belauneko goizean, Gipuzkoako poliklinikan, eta lehendik susmoa besterik ez zena baieztatu egin zen: Sarriegiren lesioa uste baino larriagoa da. Eduardo Escobar Realeko medikuak ebakuntzaren ostean prentsaurrekoa eskaini zuen xehetasun guztiak emateko. Haren ustez, «ebakuntza artroskopia bidez egin dugu, eta kanpoaldeko meniskoa apurtuta zuela ikusi ahal izan dugu. Lehendik aurreko lotailu guru-

tzatua eta barneko meniskoa hautsita zituela bagenekien, eta orain berriz kanpoaldeko meniskoa ere ikusi ahal izan dugu».

Ebakuntza ondo joan zen, eta Iker Sarriegi sei bat hilabete beharko ditu zelaletara itzultzeko, Escobarren idurikoz. «Dena den, gu beti bezala saiatuko gara epe hori murrizten. Kontua da lotailuarena bakarrik ez dela, meniskoaren hausdurak estabilitatea asko kaltetzen du eta kontuz ibili beharra dago. Baina, esan bezala, ebakuntza ondo atera da, eta belaunak estabilitate arazorik ez edukitzea espero dugu». Iker Sarriegi geldirik egon beharko du egun batzuetan, eta

bi aste barru hasiko da errehabilitazioarekin. Gero, bizpahiru hilabetetan korrika hasiera da helburua.

Bernd Krauss pozik taldearekin

Sarriegirena alde batera utziz, Realak bere denboraldi-urreko prestaketarekin jarraitzen du, eta herenegun Deportivoen kontra garaipen oso polita eskuratu zuen Anoetan (4-0). Galiziarrek ez zuten partiduko onik jokatu, baina aipagarriena da Realak ia atzeritarrak gabe (Gomez zen bakarra) lau gol sartu ahal izan zizkiola iazko Ligako defentsa onenari. Bernd Krauss pozik azaldu zen emaitzarekin, baina ez hainbeste lehen zatian talde-

ak eginiko lanarekin. «Lehen zatian indarra falta izan zaigu. Bigarren zatian asko hobetu dugu jokoak». Liga hasteko hamaikakoa bost egun besterik ez dira falta, eta Krauss pozik dago taldea egiten ari den lanarekin. «Taldea bide onean dago, eta berriro ere jokalaririk guztiak egiten ari diren lan ona nabarmendu nahiko nuke».

Realeko jokalariek gaur goizean itzuliko dira entrenamendutara Zubietan, eta bihar Badajozera joango dira hegazkinez, arratsaldeko 20:00etan bertako taldearen kontra jokatzeko. Bernd Kraussek Deportivoen aurkako deialdia errepikatu egingo du. X

Errioxako Torneoaren irabazi ondoren, Osasunak prestaketarekin jarraitzen du

■ Atzo arratsaldean entrenamenduetara bueltatu ziren gorritxoak Taxoaren

Erredakzioa / Iruñea

OSASUNAK V. Errioxa Kalitate txapelketa irabazi zuen herenegun, Eibarrek eta Logroñesek, torneoaren beste bi partaideak, hutsean berdindu eta gero. Aurretik, ostiral arratsaldean, gorritxoek 2-1 irabazi zieten errioxarrei; eta larunbatean gipuzkoarren kontra penaltietan galdu egin zuten. Ustez maila hobea duten bi taldeen aurrean badakiela jokatzeko erakutsi dute Osasunakoek. Oraingoz, behintzat, Enrike Martin Monrealek egituratutako taldea funtzionatzen ari da.

1997-98ko denboraldia hasteko bi aste besterik falta ez direnean, gero eta talde finakatuagoa da Osasuna, eta joko ona egiten ari da. Maila txarragoa duten taldeen aurka jokatu eta gero, asteburuan Logroñes eta Eibarren aurka —heldu den denboraldian aurkari izanen ditu— neurtu ditu indarrak Martinen taldeak. Bai errioxarrak bai gipuzkoarrak Bigarren A Mailako lehenengo postuetan egoteko itxaropena izan arren, Errioxako txapelketan ez ziren Osasuna baino gehiago izan eta, gainera, joko askarra egin zuten. Dena den, Logroñesek Eibarrek baino hobekiago jokatu zuen, eta partiduan izan ziren aurkera gutxiak errioxarrek beraiek eragin zituzten.

Osasuna denboraldi-urreko onak egiten ari bada ere, Martinek argi utzi du denboraldian helburua ez dela kategoriaz igotzea, baizik eta talde on bat egituratzea eta aurreko denboraldian izandako arazoak ez izatea. Laugarren denboraldia egiten dute Bigarren A Mailan, eta joan den denboraldiko azken bost partiduko irabazi ondoren lortu zuten kategorian mantentzea, eta Martinek ez du berriro horrelakorik gertatzerik nahi.

Hiru egunetan hiru partiduko jokatu ondoren, igandean atsedena izan zuten gorritxoek. Taldea atzo arratsaldean itzuli zen Taxoara entrenatzera. Martinek jokalaririk guztiak eman die aukeraren bat Tafallan Peña Sporten aurkako norgehiagokan eta Errioxako txapelketan. Hamaikakoa osatutako dirudien arren, entrenatzaileak oraindik ez du txintik esan, eta Liga hurbildu ahala jokalariek baztertzeko joan dela iragarri du. X